

Nug koj tus menyuam seb nws kawm txog dabtsi tom tsev kawm ntawv txhua hnuv. Tej zaum lo lus nug no yuav ua rau lawv tsis pom qab teb, ntau tus menyuam kuj yuav cia li teb hais tias "tsis muaj dabtsi" lossis "tsis kawm txog dabtsis ntau". Koj yuav tau nug mus kom tob zog, xws li koj yuav tau nug li no... "koj kawm tau zoo lidas hauv koj chav Science hnuv no? Koj puas kawm tau qee yam tshiab?" Qhov lus nug no yuav ua rau koj tus menyuam piav qhia tau yam nws kawm ntawd rau koj. Nws kuj yuav qhia tau rau koj tus menyuam tias koj yeej txaus siab xav paub yam nws kawm seb yog dabtsi. Qhov no yog ib qho tseem ceeb pab qhia rau lawv paub tias tsev kawm ntawv tseem ceeb npaum lidas thiab.

2. **Hais kom lawv ua lawv tej ntaub ntawv kom tag tso mam mus ua si.** Thaum menyuam zaum ua si "play games" lossis ua lwm yam uas nws nyiam lawm, ces nws txoj kev saib ntawv yuav nyob sab qhov rai nraum zoov lawm xwb. Hais kom nws ua thaum nws nyuam qhuav kawm ntawv los txog thiab thaum nws tseem nco thiab tseem muaj lub zog xav saib ntawv. Tamsim ntawd kiag lawv yeej yuav yws mentsis, tiamsis yog cia ntev lawm mam hais kom lawv los ua lawv tej ntawv mas tsis yooj yim kiag li lawm vim hais tias lawv lub siab twb tsis nyob ntawm lawv cov ntawv lawm. Zaum nrog lawv ua lawv cov ntawv. Qhov no yuav pab lawv ua tau lawv tej ntawv dua vim hais tias koj nrog lawv ua thiab.
3. **Npaj yam khoom uas yuav pab lawv ua lawv tej ntawv kom txhij tos lawv.** Npaj ntaub ntawv los sau lossis laj leb, npaj mem thiab lub tua ntawv kom txhij rau ntawm rooj. Li no, thiaj yuav tsis muaj kev cuam tshuam pheej sawv mus muab ub muab no lossis thiaj yuav tsis nkim sijhawm rau koj tus